



নিজস্ব লেখা “কবিতা/গল্প”
সংবাদপত্রে প্রকাশিত করলে -
৯০৬২৮৬৭৯২৯

এই যুগ

EI YUG

ডাউনলোড
“এই যুগ
অ্যাপ”




এই যুগ এর নিজস্ব ওয়েবসাইট
eiyug.in থেকে ডাউনলোড
করুন “এই যুগ অ্যাপ”

PAGE | পৃষ্ঠা- 4 [PRICE | মূল্য- 2]

HOWRAH | হাওড়া ● DAILY | দৈনিক ● 9 MAY 2026 , SATURDAY | ৯ মে ২০২৬ , শনিবার ● VOLUME | বর্ষ-6 ● ISSUE | সংখ্যা-156

পশ্চিমবঙ্গের মুখ্যমন্ত্রী হতে চলেছে শুভেন্দু অধিকারী



সুরজিৎ মালিক , এই যুগ , কলকাতা , ৮ মে : শুক্রবার ৮ই মে , কলকাতার নিউটাউন বিশ্ব বাংলা কনভেনশন সেন্টারে অনুষ্ঠিত বিজেপি বিধায়ক দলের বৈঠকে উপস্থিত ছিলেন কেন্দ্রীয় পর্যবেক্ষক অমিত শাহ । প্রাক্তন মমতা বন্দ্যোপাধ্যায়কে তাঁরই ভবানীপুর বিধানসভা কেন্দ্র থেকে পরাজিত করা শুভেন্দু অধিকারী কে সর্বসম্মতিক্রমে পরিষদীয় দলের নেতা হিসেবে ঘোষণা করলেন। সূত্রের খবর , আগামীকাল শনিবার ৯ই মে রবীন্দ্রজয়ন্তীর দিনে কলকাতার ব্রিগেড ময়দানে পশ্চিমবঙ্গের মুখ্যমন্ত্রী হিসেবে শপথ নেবেন শুভেন্দু অধিকারী। উপ মুখ্যমন্ত্রী হতে চলেছেন আসানসোল দক্ষিণ কেন্দ্রের জয়ী প্রার্থী অগ্নিমিত্রা পাল এবং খড়গপুর কেন্দ্রের জয়ী প্রার্থী দিলীপ ঘোষ । রাজ্যের স্বাস্থ্যমন্ত্রী হতে পারেন বেহালা পশ্চিম কেন্দ্রের জয়ী প্রার্থী ডাঃ ইন্দ্রনীল খাঁ। শিক্ষামন্ত্রী হতে পারেন শিলিগুড়ির জয়ী প্রার্থী শংকর ঘোষ । বিজেপি যে শক্তিশালী সরকার উপহার দিতে চলেছে পশ্চিমবঙ্গের জনগণকে সেটা বলাই বাহুল্য।

পশ্চিমবঙ্গের স্বাস্থ্যমন্ত্রী হতে পারেন ডাঃ ইন্দ্রনীল খাঁ



সুরজিৎ মালিক , এই যুগ , কলকাতা , ৮ মে : শুক্রবার কলকাতার নিউটাউন বিশ্ব বাংলা কনভেনশন সেন্টারে অনুষ্ঠিত হয় বিজেপির নব নির্বাচিত বিধায়ক দের নিয়ে সাংগঠনিক বৈঠক । উপস্থিত ছিলেন কেন্দ্রীয় স্বরাষ্ট্রমন্ত্রী অমিত শাহ। মুখ্যমন্ত্রী নির্বাচনের পাশাপাশি পশ্চিমবঙ্গ পেতে চলেছে একাধিক মন্ত্রী। মন্ত্রিত্ব পেতে চলেছে ভারতীয় জনতা যুব মোর্চার রাজ্য সভাপতি তথা বেহালা পশ্চিম বিধানসভা কেন্দ্রের জয়ী প্রার্থী ডাঃ ইন্দ্রনীল খাঁ। সূত্রের খবর , ডাঃ ইন্দ্রনীল খাঁ হতে চলেছেন পশ্চিমবঙ্গের স্বাস্থ্যমন্ত্রী। সাধারণ মানুষের মতে রাজ্যে স্বাস্থ্য ব্যবস্থার করণ অবস্থা। রাজ্য বাসী দেখেছে অভয়্যার মতো ডাক্তারের হত্যা সরকারি হাসপাতালে। এবার ডাঃ ইন্দ্রনীল খাঁ মতো মানুষ স্বাস্থ্যমন্ত্রী হলে রাজ্যের স্বাস্থ্য ব্যবস্থার যে উন্নয়ন হবে বলছে জনগন ।

সরকার গঠনের জন্য শুক্রবার রাজ্যে রাজ্যপালের সঙ্গে সাক্ষাৎ বিজেপি প্রতিনিধি দলের



সুরজিৎ মালিক , এই যুগ , কলকাতা , ৮ মে : শুক্রবার ভারতীয় জনতা পার্টির প্রতিনিধি দল সরকার গঠনের জন্য রাজ্যে রাজ্যপাল আর এন রবির সঙ্গে সাক্ষাৎ করলো। উপস্থিত ছিলেন রাজ্য বিজেপি সভাপতি শমিক ভট্টাচার্য, শুভেন্দু অধিকারী , কেন্দ্রীয় মন্ত্রী শান্তনু ঠাকুর , কেন্দ্রীয় মন্ত্রী সুকান্ত মজুমদার , লকেট চট্টোপাধ্যায় , দিলীপ ঘোষ সহ অন্যান্য প্রতিনিধি মণ্ডলী । এদিন নতুন সরকার গঠনের প্রস্তাব পেশ করেন বিজেপি প্রতিনিধি দল এবং রাজ্যপাল সেই প্রস্তাব গ্রহণ করেছেন। আগামীকাল শনিবার কলকাতার ব্রিগেড ময়দানে জনসাধারণের সামনে পশ্চিমবঙ্গের নতুন মুখ্যমন্ত্রী শপথ গ্রহণ করবেন এবং নতুন সরকারের কাজ আনুষ্ঠানিকভাবে শুরু হবে।

পশ্চিমবঙ্গের উপ মুখ্যমন্ত্রী হতে পারেন অগ্নিমিত্রা পাল



সুরজিৎ মালিক , এই যুগ , কলকাতা , ৮ মে : শুক্রবার কলকাতার নিউটাউন বিশ্ব বাংলা কনভেনশন সেন্টারে অনুষ্ঠিত হয় বিজেপির নব নির্বাচিত বিধায়ক দের নিয়ে সাংগঠনিক বৈঠক । উপস্থিত ছিলেন কেন্দ্রীয় স্বরাষ্ট্রমন্ত্রী অমিত শাহ। মুখ্যমন্ত্রী নির্বাচনের পাশাপাশি পশ্চিমবঙ্গ পেতে চলেছে একাধিক মন্ত্রী। সূত্রের খবর , উপ মুখ্যমন্ত্রী হতে পারেন আসানসোল দক্ষিণ বিধানসভা কেন্দ্রের জয়ী প্রার্থী অগ্নিমিত্রা পাল। সাধারণ মানুষের মতে রাজ্যে মহিলা সুরক্ষা করণ অবস্থায়। মহিলা দের কোন নিরাপত্তা নেই। রাজ্যে নারী নির্যাতন সহ ধর্ষণের সংখ্যা দিন দিন বেড়েই চলেছে । অগ্নিমিত্রা পাল এর মতো মহিলা উপ মুখ্যমন্ত্রী হলে রাজ্যে যে নারী নিরাপত্তা বাড়বে বলাই বাহুল্য।

পঞ্চায়েত সমিতি এবং গ্রাম পঞ্চায়েত দপ্তরের পতাকা খুলে নিলেন নেতৃত্বরা



মলয় দেবনাথ ,এই যুগ ,আলিপুরদুয়ার ,৮ মে : আলিপুরদুয়ার দু'নম্বর ব্লকের টটপাড়া এক নম্বর গ্রাম পঞ্চায়েত দপ্তর থেকে বিজেপির পতাকা সরিয়ে দিলেন বিজেপির নেতৃত্বরা। শুক্রবার মন্ডল সভাপতি মতিলাল বর্মন বিজেপি নেতা অর্জুন দেবনাথ তাপস দাস বন্টু দাসের নেতৃত্বে গ্রাম পঞ্চায়েত দপ্তরে লাগানো বিজেপির পতাকা খুলে দিলেন। গ্রাম পঞ্চায়েতের যশোডাঙ্গা বাজার তৃণমূলের দলীয় কার্যালয় থেকেও পতাকা খুলে নিলেন তারা। আলিপুরদুয়ার দুই পঞ্চায়েত সমিতিতে বিজেপির পতাকা লাগানো ছিল যার জন্য কয়েকদিন যাবত অফিস বন্ধ ছিল সেগুলিও খুলে নেওয়া হয়েছে। বিজেপি নেতৃত্বরা এদিন যশোডাঙ্গা মসজিদে গিয়ে ইমামদের সঙ্গে কথা বলেন তাদের আশ্বস্ত করেন নিরাপত্তা নিয়ে। উল্লেখ্য আলিপুর দুয়ার দু নম্বর ব্লকের টটপাড়া ১ নম্বর গ্রাম পঞ্চায়েতের হাতে গোনা এক দুজন নেতার মদতে যশোডাঙ্গা বাজারে তৃণমূলের দলীয় কার্যালয় ভেঙ্গে গুড়িয়ে দিয়ে বিজেপির পতাকা লাগিয়ে দেওয়া হয়েছিল। মন্ডল সভাপতি মতিলাল বর্মন এবং অর্জুন দেবনাথ জানিয়েছেন হিংসার রাজনীতি বিজেপি করেনা। এমন ঘটনায় তারাও মর্মান্বিত। যারা এই ঘটনার সঙ্গে জড়িত আছে তাদেরকে চিহ্নিতকরণের কাজ চলছে দলের পক্ষ থেকে। বিজেপির পতাকা হাতে নিয়ে অহিংসার রাজনীতি করা যাবে না। রাজ্য সভাপতির বার্তার পর মন্ডল সভাপতি এমনটাই বললেন যশোডাঙ্গায় এসে।

মাধ্যমিকের প্রকাশিত ফলাফলে দিনহাটার জয়জয়কার



ভাস্কর সেহানবিশ ,এই যুগ ,কোচবিহার ,৮ মে : আজ ফলাফল ঘোষণা হল রাজ্যের মাধ্যমিক পরীক্ষা 2026 এর। এর মধ্যে থেকে সম্ভাব্য মেধা তালিকায় প্রথম দশে স্থান করে নিল কোচবিহার জেলার 7 জন ছাত্রছাত্রী। এই 7 জনের মধ্যে আবার 5 জন ই হল দিনহাটা রা। এই 7 জন হল -দীপ্তরাগ নাথ (গোপালনগর এম এস এস হাই স্কুল) সম্ভাব্য ষষ্ঠ স্থান, প্রাপ্ত নম্বর 692.সুচিস্মিতা পন্ডিত (গোপালনগর এম এস এস হাই স্কুল) সম্ভাব্য ষষ্ঠ স্থান, প্রাপ্ত নম্বর 692.রৌনক মিত্র (যোকসা ডাঙা প্রামানিক হাই স্কুল) সম্ভাব্য ষষ্ঠ স্থান, প্রাপ্ত নম্বর 692.স্নেহাস্মিতা বর্মন (দিনহাটা গার্লস হাই স্কুল) সম্ভাব্য সপ্তম স্থান, প্রাপ্ত নম্বর 691.সৃজা দেবনাথ (মাথাভাঙ্গা গার্লস হাই স্কুল) সম্ভাব্য নবম স্থান, প্রাপ্ত নম্বর 689.সৌগত পাল (গোপালনগর এম এস এস হাই স্কুল) সম্ভাব্য দশম স্থান, প্রাপ্ত নম্বর 688.শ্রেয়সী সাহা (গোপালনগর এম এস এস হাই স্কুল) সম্ভাব্য দশম স্থান, প্রাপ্ত নম্বর 688 . এই ফলাফলে দিনহাটার সাথে জেলা জুড়ে আনন্দের জোয়ার অব্যাহত।আজ জেলাশাসক জিতিন যাদব মেধা তালিকায় স্থান পাওয়া কোচবিহার জেলার এই 7 জন কৃতি ছাত্রছাত্রীদের জেলাশাসকের দপ্তরে সংবর্ধনা দেন।

এলাকার শান্তি শৃঙ্খলা বজায় রাখতে শিলিগুড়িতে নৈশ নাকা চেকিং সহ রুট মার্চ



নিজস্ব সংবাদদাতা ,এই যুগ ,শিলিগুড়ি , ৮ মে : নির্বাচন পরবর্তী সময়ে এলাকার শান্তি শৃঙ্খলা বজায় রাখতে শিলিগুড়ি পুলিশ কমিশনারেট এর পুলিশ ও কেন্দ্রীয় বাহিনীর জওয়ানরা বৃহস্পতিবার রাতে শিলিগুড়ির বিভিন্ন গুরুত্বপূর্ণ স্থানে নৈশ নাকা চেকিং পরিচালনা করে। পুলিশ সুত্রে জানানো হয়েছে শিলিগুড়িতে চলাচলকারী সমস্ত ধরনের যানবাহনের উপর বিশেষ নজর রাখা হচ্ছে,চলছে বিভিন্ন এলাকায় নিয়মিত টহলদারি। পুলিশ আরও জানিয়েছে এলাকার শান্তি শৃঙ্খলা বজায় রাখা, সাধারণ মানুষের নিরাপত্তা সুনিশ্চিত করা ও যে কোনো ধরনের অনৈতিক কার্যকলাপ প্রতিরোধের লক্ষ্যে সর্বাঙ্গীণ তৎপর থেকে এধরনের অভিযান চালিয়ে যাবে পুলিশ।

কপাল জোরে বেঁচে গেল ক্ষুদ্রে ছাত্র



মলয় দেবনাথ ,এই যুগ ,আলিপুরদুয়ার ,৮ মে : প্রাণে বাঁচলো স্কুল ছাত্র। স্কুল ছাত্রকে বাঁচাতে গিয়ে ছয় জন যাত্রীকে নিয়ে উল্টে গেল অটো। ঘটনাটি ঘটেছে আলিপুরদুয়ার শামুকতলা রাজ্য সড়কের শামুকতলা চেকপোস্ট সংলগ্ন এলাকায় হোলি লাইট স্কুলের সামনে। প্রত্যক্ষদর্শীদের কাছ থেকে জানা গেছে স্কুল থেকে ছেলেকে নিয়ে বের হয়েছেন মা। স্কুলের উল্টা পাশে ছেলেকে দাঁড় করিয়ে রেখে পুনরায় মা চলে গেছেন স্কুলে শিক্ষিকার সঙ্গে কথা বলতে। এরই মধ্যে ক্ষুদ্রে ছাত্র পাকা রাস্তা পার হয়ে স্কুলের দিকে যাওয়ার জন্য দৌড় দিল। ৬ জন যাত্রীকে নিয়ে অটোচালক আলিপুরদুয়ারের উদ্দেশ্যে যাচ্ছিলেন সামনেই পড়ে গেছে ছোট ছাত্রটি। সেই ছাত্রকে বাঁচাতে গিয়েই রাজ্য সড়কের উপরেই উল্টে যায় অটো। যাত্রী সমেত চালক চিংকার করতে থাকেন বাঁচানোর জন্য। এরপরেই দূরে থাকা মানুষজন এসে যাত্রীদেরকে উদ্ধার করে অটো থেকে। তবু অটোচালক স্বীকার করে নিয়েছেন ৬ জন যাত্রী ছিলেন তার ড্রাইভিং লাইসেন্স থাকলেও গাড়ির কোন কাগজপত্র নেই। তৎক্ষণাৎ আহতদের উদ্ধার করে শামুকতলা প্রাথমিক স্বাস্থ্য কেন্দ্রে নিয়ে যাওয়া হয় ছোট ছাত্র সমেত অটোতে থাকা যাত্রীদের। প্রত্যক্ষদর্শী রাই জানিয়েছেন কপাল জোরে বেঁচে গেছে খুদ্রে ছাত্র তবে সামান্য আঘাত লেগেছে তার। তার চিকিৎসার জন্য শামুকতলা প্রাথমিক স্বাস্থ্য কেন্দ্রে নিয়ে যাওয়া হয়েছে। আহত যাত্রীদের স্বাস্থ্য কেন্দ্রে পাঠানো হয়েছে। দুর্ঘটনার খবর পাওয়ার পরেই ঘটনাস্থলে এসেছেন শামুকতলা ট্রাফিক অফিসার।

২০২৬ মাধ্যমিকে রাজ্যে প্রথম অভিরূপ ভদ্র



নিজস্ব সংবাদদাতা ,এই যুগ ,উত্তর দিনাজপুর ,৮ মে : শুক্রবার রাজ্যে প্রকাশিত হলো মাধ্যমিক ২০২৬ পরীক্ষার ফলাফল। মধ্য শিক্ষা পর্ষদের সভাপতি আনুষ্ঠানিক ভাবে ফল প্রকাশ করে জানান পরীক্ষা শেষ হবার চুরাশি দিনের মাথায় ফলাফল ঘোষিত হলো। এবার পাশের হার ৮৬.৮৩ শতাংশ। ফলাফলে মেধা তালিকায় প্রথম দশে স্থান করে নিয়েছে একশ একত্রিশ জন। প্রথম হয়েছে উত্তরদিনাজপুর জেলার রায়গঞ্জ সারদা বিদ্যামন্দির স্কুলের ছাত্র অভিরূপ ভদ্র। তার প্রাপ্ত নম্বর ৬৯৮। এই খবর ছড়িয়ে পড়তেই খুশীর হাওয়া রায়গঞ্জ সহ গোটা জেলায়। জানা গিয়েছে মেধা তালিকার দ্বিতীয় স্থানে আছে বীরভূমের সরোজিনী দেবী সরস্বতী বিদ্যামন্দিরের প্রিয়তোষ মুখোপাধ্যায়,তার প্রাপ্ত নম্বর ৬৯৬। তৃতীয় স্থান লাভ করেছে তিনজন। তারা হলো দক্ষিণ চব্বিশ পরগনা জেলার নরেন্দ্রপুর রামকৃষ্ণ মিশন স্কুলের সৌর জানা এবং মেদিনীপুর রামকৃষ্ণ শিক্ষামন্দির হাই স্কুলের অক্ষয় কুমার জানা ও বাঁকুড়া খ্রীষ্টান কলেজিয়েট হাই স্কুলের মৈনাক মন্ডল। তিন জনের প্রাপ্ত নম্বর ৬৯৫।

পশ্চিমবঙ্গের উপ মুখ্যমন্ত্রী হতে পারেন দিলীপ ঘোষ



সুরজিৎ মালিক ,এই যুগ ,কলকাতা ,৮ মে : শুক্রবার কলকাতার নিউটাউন বিশ্ব বাংলা কনভেনশন সেন্টারে অনুষ্ঠিত হয় বিজেপির নব নির্বাচিত বিধায়ক দের নিয়ে সাংগঠনিক বৈঠক। উপস্থিত ছিলেন কেন্দ্রীয় স্বরাষ্ট্রমন্ত্রী অমিত শাহ। রাজ্যের মুখ্যমন্ত্রীর পাশাপাশি পশ্চিমবঙ্গ পেতে চলেছে একাধিক মন্ত্রী। সুত্রের খবর , উপ মুখ্যমন্ত্রী হতে পারেন রাজ্য বিজেপির প্রাক্তন সভাপতি তথা প্রাক্তন সাংসদ , খড়গপুর বিধানসভা কেন্দ্রের জয়ী প্রার্থী দিলীপ ঘোষ। সাধারণ মানুষের মতে দিলীপ ঘোষ লড়াই করে জেতা মানুষ। দিলীপ ঘোষ এর মত স্বচ্ছ মানুষকে পশ্চিমবঙ্গের উপ মুখ্যমন্ত্রী করলে পশ্চিমবঙ্গের উপকার হবে। এছাড়াও সাধারণ মানুষের মতে দিলীপ ঘোষ সোজাসাপটা কথা বলতে পছন্দ করেন। তিনি সাহসী ও লড়াকু মানুষ। দিলীপ ঘোষ এর মতো মানুষ উপ মুখ্যমন্ত্রী হলে সমাজবিরোধীরা ভয় পাবে সহজেই।



Contact No: 9836753622



Graphic Desing

Desing work : Newspaper ,Magazine,
Book ,Flex ,Poster ,Cartoon ,Logo

Publishing work

Publishing work : Newspaper ,Magazine, Book

EIYUG NEWSPAPER PUBLISHING HOUSE

ADDs: BANKRA DAKSHIN PALLY ,HOWRAH-711403 ,WEST BENGAL